

Missingersuutunik
malitseqartitsineq
August 2013



Aningaasaqarnermut Nunamullu Namminermut Naalakkersuisoqarfik

4. november 2013

1. Aallaqqaasiut

Missingersuutininik malitseqartitsineq manna 2013-imi qaammatini 8-ni siullerni isertitat aningaasartuutillu misissorneqarnerannik imaqarpoq. Missingersuutininik malitseqartitsinikkut siunertaavoq Naalackersuisut konto pingaarnerni ataasiakkaani missingersuutit nikingassutaasa iliuuseqarfiginissaannut tunngavissinneqarnissaat.

Missingersuutininik malitseqartitsineq 2013-imi aggustip naaneranut tunngassuteqarmat ukiumut atuinnermut siumut eqqoriaanerit atuuttut isigineqarsinnaapput pissutsit immikkut ittut atuinerit isertitaqarnerillu qanoq isillugit kontuni pingaarnerni ataasiakkaani nalunaarsorneqarnissaannut tunngatillugu.

Malugeqquneqarpoq ilassutitut aningaasaliissutit ulloq 23. august 2013 ilanngullugu Aningaasaqarnermut Ataatsimiititaliamit akuersissutigineqartut ilanngunneqarmata. Piffissami tassani ulluliussaq taanna tikillugu 26-inik ilassutitut aningaasaliisoqarpoq. Taakku arlaat AI2013-imi angusassatut missingersuummut allannguivoq. Tamatumani pineqarput angusat missingersuutaasut 25 mio. kr.-inik pitsanngoriarnerat, takuuk IA-suliani nr. 13-00620-2 Allaffissornikkut kukkunerup kingunernik iluarsisaq pillugu Aningaasaqarnermut Ataatsimiititaliap aalajangigaa nr. 11-562, 09. december 2011 akuersissutigineqartoq. Tamatuma saniatigut Inatsisartut Suleriaasiannut Ataatsimiititaliap konto pingaarneq 01.06.11 Politikikkut sulineq-meersunik aamma 01.10.10 Inatsisartut-meersunik katillugit 3,2 mio. kr.-inik aningaasaleeqqittoqarnera akuersissutigaa.

Ilanngussatut missingersuutininik malitseqartitsineq Naalackersuisut suliassaqaarfiinut ataasiakkaanut aningaasaliissutininut assigiinngitsunut agguarlugu ilanngunneqarpoq. Naalackersuisunut ilaasortat suliassaqaarfimminut konto pingaarnernut ataasiakkaanut tamanut missingersuutininik malitseqartitsisoqarnissaa kissaatigissagunikku ilaasortat ataasiakkaat qinnuigineqassapput suliassaqaarfimminni missingersuutininut akisussaasumut saaffiginnequllugit.

Akilerartarnermut Aqutsisoqaarfimmit massakkut ilimagineqarpoq 2013-imi toqqaannartumik akileraarutineersunik katillugit 6,4 mio. kr.-it missaannik iluanaaruteqartoqarnerussasoq.

Tamatumunnga pissutaavoq ingerlatseqatigiiffimmit aalajangersimasumit ilimagisamiit 11,4 mio. kr.-inik amerlanernik ingerlatseqatigiiffinnut akileraarutinit akiliisoqarsimammata kiisalu nuna tamakkerlugu akileraarutip 11 %-imiit 10 %-imut appartinnerata kinguneranik nuna tamakkerlugu akileraarutinit iluanaarutissat appariarsimammata. Taamaakkaluartoq iluanaarutit erseqqissumik taane-qarsinnaangillat akileraarutinit A-nit ingerlaavartumik nalunaarutinit 12-iusunit arfineq-marluin-naat nalunaarsorneqarsimammata, taamatuttaarlu ingerlatseqatigiiffinnut imaluunniit pisarsianut akileraarutineersunik iluanaarutit massakorporiaq qassiuneri ilisimaneqanngimmata. Kiisalu annaa-sanut/kingumut nuussanut kinguartitsinerit siusinnerusukkut ukiumut naatsorsuutit naaneranni annaasanut kinguartitsinerusimasut ukiumut iluanaarutinit sunniuteqarsinnaassapput. Toqqaanngitsumik akileraarutit missingersuutinit sanilliullugit 21,9 mio. kr.-it missaannik tunniusaqarnissat naatsorsuutaavoq. Tamatumunnga pingaarnertut pissutaavoq raajanut, naqissusiinermut suliffeqarnermullu akileraarutineersunik iluanaaruteqartoqarnerusimammata. Taamaattoq eqqussuinermi umiarsualivinnullu akitsuutit kiisalu qaleralinnut akitsuutit missingersuutinit sanilliullugit annikitsumik iluanaaruteqarfiunissat naatsorsuutaavoq. Aammattaaq siusinnerusukkut pisassanut allanut isumakkeerfigineqartunut akiliutigineqartunersunik 13,0 mio. kr.-inik annikinnerusunik iluanaaruteqartoqarnissaa naatsorsuutaavoq. Naliliisoqarpoq akiliisitsiniartarnermut tunngassuteqartuni ukiut kingulliit ingerlaneranni naammassisaqarsinnaaleriartornerup kingunerisimagaa akiliisitsiniarluni suliat "oqinnerit" ilarpassuisa "pisarsissutaasarnerat" maannakkut anguneqarsimasoq, taamaalilluni suliat sinneruttut ilarpassui pisariunerulerlutik soorluttaaq naliliisoqartoq suliani tamakkunani akiliisinnaassuseqarneq suli annerusumik killeqarluinnalersimasoq. Ataatsimut isigalugu 2013-imut Aningaasanut Inatsimmut sanilliullugu immikkoortumut pingaarnermut 24-mut IST-mi inernera 2013-imi katillugit 15,7 mio. kr.-it missaannik iluanaaruteqarfiunerunissaa naatsorsuutaavoq, tassalu 0,89 %-inik nikinganeq.

2. Ingerlatsinermut aningaasaliissutit

Ingerlatsinermut aningaasaliissutit Aningaasanut inatsimmiittut ilaatigut Namminersorlutik Oqartussat allaffissornerannut aamma Kalaallit Nunaanni Namminersorlutik Oqartussat suliffeqarfiutaasa ingerlanneqarnerisa matussuserneqarnissaannut atorneqartarput.

Aningaasaliissutit qanoq ittuunissaat aqunneqarsinnaavoq, tassami aningaasaliissutini taamatut ittu-ni suliarineqartartut aningaasartuutillu qaffasissusiat ukioq aningaasaliiffiusoq aqqutigalugu ilu-arsiivigineqartarsinnaammata. Konto pingaarnernik peqarsinnaavoq juunip naanerani aningaasaliis-sutit 50 %-ii sinneqalugit atuiffiusimasunik, tamatumunngali pissutaakkajuttarpoq ukiup ingerla-nerani assigiiaartunik aningaasartuuteqartoqartannginnera.

Peqqissutsimut Attaveqarnermullu Naalakkersuisoqarfik

Naalakkersuisoqarfiup aggustip naalernerani ingerlatsinermut kontuni aningaasaliissutigineqartut 66 %-ii atorsimavai, taakkulu 866,9 mio. kr.-iupput ingerlatsinermut aningaasartuutinut atorneqartut.

Ataatsimut isigalugu peqqinnissaqarfiup iluani 10,0 mio. kr.-inik atuisoqarnerusimanera missingi-ummi erserpoq. Taamatut atuisoqarnerusimaneranut pissutaapput konto pingaarnerni 34.11.01 Nap-parsimasunik nunani allanik katsorsaaneq, timikkut, 34.12.03 Ataatsimoortumik aningaasartuutit, napparsimasuni angallassinerit il.il. 34.12.05 Nunatta Nakorsaataasivia aamma 34.13.01 Peqqissaaveqarfiit, kigutit nakorsaannit passunneqarneq-ni missingersuutunik sippuisoqarsimam-mat. Taamaattorli konto pingaarneq 34 11 02-mi, Napparsimasut nunani allani katsorsarneqartarne-rat, tarnikkut nappaatit, 34.11.05-imi, Imigassamik ajornartorsiuteqartunut katsorsaasarfiit, 34.11.06-imi, Nappaatinik misileraalluni katsorsaaneq, kiisalu 34.12.01-imi, Najukkani peqqinnis-saqarfiit, nakorsanit sullinneqarneq, atuinikinnerussuteqarnissaq naatsorsuutigineqarpoq.

Aningaasaliissutit aningaasartuutillu akornanni oqimaaqatigiissitsiniarluni suliniutinik arlalinnik aallartitsisoqarpoq. Ilaatigut nunatta avataani katsorsartikkiartortarnerit naliliiffigineqartarneri suka-teriffigineqarsimapput. Atuinerussutaasinnaasut 2013-imut Aningaasanut Inatsimmi suliassaqarfik 34-mut oqaasertaliussat naapertorlugit missingersuutininut sunnuteqanngitsumik nuussinikkut ma-tussuserniarneqassapput. Oktoberip naanerani missingersuutunik malitseqartitsinerup kinguneranik IST-mik sunniisinnaasumik ilassutitut aningaasaliisoqarnissaanik qinnuteqaateqartoqassanersoq naliliiffigineqassaaq. Qinnuteqaatissaq naatsorsuutigineqarpoq 10-15 mio. kr. missaanik annertus-suseqarsinnaassasoq. Atuinerunermut pissutaasut ilaatigut napparsimasunik qimarngutsitsinermik akigitinneqartartut qaffassimaneri, aammalu napparsimasut marluk katsorsartinnerannut anin-gaasartuutit 4. mio. kr. missaanik naleqarsimammata.

Attaveqaatinut tunngasuni konto pingaarneq 35.01.04-mi 200.000 kr.-inik atuinikinnerunissaq, kiisalu konto pingaarneq 35.01.07-imi 300.000 kr.-inik atuinikinnerunissaq naatsorsuutigineqarpoq. Atuinikinnerussutit atorfiit inuttaqannginnerinik pissuteqarput.

Ilinniartitaanermut, Ilageeqarnermut, Kultureqarnermut Naligiissitaanermullu Naalackersuisoqarfik
Naalackersuisoqarfiup aggustip naanerani ingerlatsinermit kontunut aningaasaliissutisiami 57,8 %-ii atorsimavai taakkulu ingerlatsinermit aningaasartuutitut 321,8 mio. kr.-inut naapertuupput.

Konto pingaarneq 40.90.03-mut, Namminersorlutik Oqartussat illutaannik aserfallatsaaliineq, 100 %-it angungajallugit atuinissaq naatsorsuutigineqarpoq. Taamaattorli konto pingaarneq aserfallatsaaliinernut annertuunut neqerooruteqartarneq pillugu inatsit naapertorlugu malittarisassaqaartinneqartunut atorneqarnerusarmat nikingassutimininnguilluunniit 3-5 %-inik atuinerussutaallutilluunniit atuinikinnerussutaasinnaapput. Tamanna aamma ukiut aningaasanut inatsiseqarfiusut akornanni atuinerussutinik atuinikinnerussutinilluunniit nuussisarnermut tunngatillugu oqaasertaliussani eqqarsaatigineqarput.

Konto pingaarneq 40.91.02-mut, Siunnersuisartunik ilinniartitsineq, 1 mio. kr.-it missaannik atuinikinnerussuteqarnissaq naatsorsuutigineqarpoq. 2013-ip aallartinnerani Ilassutitut Aningaasaliissutit aqutigalugit immikkut aningaasaliussat tamakkiisumik atugassanngortinneqarsinnaasimannginnerat atuinikinnerunermit pissutaavoq. Aningaasat AIS2014-imi immikkoortitassatut siunnersuutigineqartut atugassanngortinneqarnissaat aqutsisuusup nalunaarutigaa, tassami taakku pilersaarusionerqarnissaannut piffissaqartoqarsimammat.

Konto pingaarneq 40.91.13-imut, kiisalu konto pingaarneq 40.91.27-mut tunngatillugu pisortat suliffeqarfiutaat namminersortut aningaasanut inatsimmi killiliussat naapertorlugit ukiumit ukiumut sinneqartoorutinik amigartoorutinillu nuussisartut pineqarput. Taamaattorli konto pingaarneq 40.91.21-mut, Inuili, kiisalu konto pingaarneq 40.91.14-imut, Imarsiornermik Ilinniarfik, tunngatillugu 2013-imi atuinerussuteqarnissaq naatsorsuutigineqarpoq. Ilinniarfinni marluusuni taakkunani ukiup kingulliup ingerlanerani nutaamik forstandereqalersimavoq sumiiffinni siulersuisut suleqatigalugit 2014-imi ingerlatsinermit oqimaaqatigiissitsinerunissamik sulissuteqartunik.

Aalisarnermut, Piniarnermut Nunalerinermullu Naalackersuisoqarfik

Naalackersuisoqarfiup aggustip naanerani ingerlatsinermut kontunut aningaasaliissutisiami 63,4 %-ii atorsimavai, taakkulu ingerlatsinermut aningaasaliissutinut 30,2 mio. kr.-inut naapertuupput.

Konto pingarneq 51.01.05-imi, Kalaallit Nunaanni Aalisarsinnaanermut Akuersissutinik Nakkutiliisoqarfik, nakkutilliisutut atorfiit marluk inuttaqannginnerisa kingunerisaannik 712.000 kr.-it missaannik atuinikinnerunissaq naatsorsuutigineqarpoq.

50.06.50-imit kontumut tassunga 2,0 mio. kr.-it missaannik missingersuutinut sunniuteqanngitsumik nuussisoqarpoq akuersissutinut akiliisoqareemat.

3. Tapiissutit aningaasaliissutit

Tapiissutit amerlanerpaartaannut tunngatillugu nalinginnaasuuvoq, qaammatinut tamanut aningaasaliissutit 1/12-iisa tunniunneqartarnerat, taamaammallu aningaasaliissutit ilaasa qanoq amerlatigisut atorneqareersimanerat pillugu malitseqartitsinermut atatillugu taakkua soqutiginaateqaratik. Tamakku saniatigut tapiissutissanut sillimmatit aningaasaliissutigineqartarput, taakku missingersuusiornermut tunngatillugu teknikkikkut kontonut ikineqartarput, taakkunangalu atuneq naatsorsuusiorneqarneq ajorpoq. Kiisalu aningaasaliissutaasartut assigiinngitsut ilagaat suliffeqarfinnut aningaasaliissutit tapiissutit, ernianut aningaasartuutit, ernianut tapiissutit, inuussutissarsuutinut tapersiisarneq, nalikilliliinerit, taarsigassarsisitsinerit il.il. Ingerlatsinermut kontunut sanilliullugu tapiissutit aningaasaliissutit tamarmiusut 1.839,7 mio. kr.-it ilaannaralaanngui missingersuutinik sippuinissamut ilimanaateqarsinnaasarput.

2013-imi aggustip naanerani tapiissutinut aningaasartuutit 1.276,7 mio. kr.-it missaanniipput taakkulu aningaasaliissutit 62,9 %-iinut naapertuupput.

Ilaqutariinnermut, Kultureqarnermut, Ilageeqarnermut, Naligiisitaanermullu Naalackersuisoqarfik

Naalackersuisoqarfiup tapiissutinut kontunut aningaasaliissutisiami 55,6 %-ii atorsimavai taakkulu 154,5 mio. kr.-inik aningaasartuuteqarnermut naapertuupput.

Konto pingarneq 40.02.07-imi, Immikkut akiliutit, angalanermut aningaasartuutit il.il. paaqqinniffiit, atuneq 72 %-iuvoq, tamannalu ilaatigut aningaasartuutit ilarujussuisa ilinniakkamik

aallartitsinermut atatillugu inissineqarsimanerannik pissuteqarpoq. Taamaattorli septembari ilann-gullugu missingersuutunik malinnaaffiginninnermi atuinerussuteqarnissamik naatsorsuuteqarto-qarsinnaanersoq eqqoriarneqarsinnaanngussaaq.

Konto pingaarnermi ilinniartunut inatsisitigut tunngavissitaasunut sullississutit pingaarnertut ma-tussusiisoqartarpoq taamaattumillu konto pingaarnermi aningaasartuuteqarneq annikillisinniarlugu iluarsiissutaasunik suliniuteqartoqarsinnaanngilaq atuinerussuteqartoqarnissaa naatsorsuutigineqa-lerpat.

Konto pingaarneq 40.94.10-mi, Aviisit nuna tamakkerlugu saqqummersartut assartorneqarnerat, immikkoortitanut naatsorsuutigisamit qinnuteqartukinnerunera pissutigalugu atuinikinnerungaatsi-arnissaq naatsorsuutigineqarpoq.

Konto pingaarneq 40.95.02-mi, Atuakkanik kalaallisuunik saqqummersitsinermut tapiissutit, qinnuteqartitsisoqarsimamera taamaattumillu aningaasaleeqqittoqarnissaanik naatsorsuuteqartoqan-ginnera pissutigalugu 200.000 kr.-it missaannik atuinikinnerusoqarnissaa naatsorsuutigineqarpoq. Aningaasat konto pingaarneq 40.95.01-imut, Kulturimut tapiissutit allat, aamma ilaatigut atuak-kanik saqqummersitsinermut tapiissutitik qinnuteqarfiusumut nuunniarneqarput.

Aalisarnermut, Piniarnermut Nunalerinermullu Naalackersuisoqarfik

Naalackersuisoqarfiup aggustip naanerani tapiissutitut kontunut aningaasaliissutisiami 65,0 %-ii atorsimavai taakkulu 64,3 mio. kr.-inik aningaasartuuteqarnermut naapertuupput.

1. oktober 2013-imi konto pingaarneq 50.01.18-imi, 8,1 mio. kr.-it atorneqarsimapput. Taamaalilluni 6,2 mio. kr.-it miss. sinnerupput. Qinnuteqaatit amerlassusaat apeqqutaalluni aningaasat sinnerisa ukioq manna atorneqarnissaat naatsorsuutigineqanngilaq. Ilisimatitsissutigi-neqarsinnaavoq Royal Greenlandip suliassanut aallareriikkanut politikikkut kissaatigineqartunik aallaaveqartunut amigartoorutiminut matussusiinissamik qinnuteqarnissaq naatsorsuutigimmagu. Qinnuteqaatip qaammammi matumani suliarineqarnissaa naatsorsuutigineqarpoq.

Inuussutissarsiornermut, Aatsitassanut Suliffeqarnermullu Naalackersuisoqarfik

Naalackersuisoqarfiup tapiissutinut kontunut aningaasaliissutisiami aggustip naanerani -3,4 %-ii atorsimavai, taakkulu -4,4 mio. kr.-inik aningaasartuuteqarnermut naapertuupput.

Taamatut angusaqarnermut pissutaanerpaasoq tassaavoq konto pingaarneq 64.10.25-mut, Aluminiumik pilersaarut, oqaasertaliussat naapertorlugit ukiup siulianit atuinerrussutinik 45 mio. kr.-it miss. nuussisoqarsimanera.

Konto pingaarneq 64.13.24-mi, Suliffeqanngikkallarnermi ikiorsiissutit, atuinikinnerussuteqartoqarnissaa naatsorsuutigineqarpoq. Aningaasaliissutit 186.000 kr.-iupput maannalu konto pingaarnermi 50.000 kr.-it miss. atorneqarnissaat naatsorsuutigineqarpoq.

Ineqarnermut, Pinngortitamut Avatangiisinullu Naalackersuisoqarfik

Naalackersuisoqarfiup ingerlatsineranut kontunut aningaasaliissutisiami 58,1 %-ii aggustip naanerani atorsimavai taakkulu 48,5 mio. kr.-inik aningaasartuuteqarnermut naapertuupput.

Konto pingaarneq 73.95.04-mi, Nukissiuutini ataavartuni ilisimatusarnermi ineriartortitsineq, aningaasaliissutit affaat maanna suliniutinut tallimanut atugassiissutigineqarsimapput.

Qinnuteqarfissaq kingulleq tassaavoq 30. november 2013. Maanna aningaasaliissutinik 1,6 mio. kr.-iusunit annerpaamik 1 mio. kr.-it 2013-imi atugassiissutigineqarnissaat naatsorsuutigineqarpoq. Tapiissutit aatsaat akiliutigineqassapput suliniutit naammassineqareerpata uppersarsineqareerpatalu - ukiup naaneraniukkajuttartumik.

4. Isertitassatut aningaasaliissutit

Suleqatigiinnissamik isumaqatigiisummut atatillugu Namminersorlutik Oqartussat Ilinniartitaaneranut pilersaarummi suliaassat naammassineqarnissaannut EU-mit tapiissutitut ukiumut 200 mio. kr.-it missaanniittut tigusarpaat. Tapiissutit marlunngorlugit avitaapput: aningaasat 80 %-ii aalajangersimasumik tapiissutaapput, tamatumani apeqqutaaginnarluni EU-mut ilinniartitaaneranut tunngassuteqartuni ukiumi tulliuuttumi sulinissaq pillugu Namminersorlutik Oqartussat pilersaarusiorsimanersut. Assersuutigalugu maanna ilinniagaqartut aamma ilinniakkaminnik unitsitsiinnartartut pillugit ukiumut anguniagassatut aalajangiunneqarsimasut arlallit apeqqutaallutik aningaasat 20 %-ii allanngorarsinnaapput. Ukiumi 2012-imi anguniagassat eqqarsaatigalugit

anguneqarsimasut procentinngorlugit suli aalajangersarneqarsimanngillat, taamaattorli naatsorsuutigineqarpoq tamassuma 85-86 % missaaniinnissaa.

Taamaalilluni allanngorartut eqqarsaatigalugit akiliutigineqartussat 35-36 mio. kr. missaaniinnissaat naatsorsuutigineqarsinnaavoq, taakkulu missingersuutigineqarsimasunit 6 mio. kr. missaanik annikinnerupput.

Akileraartarnermut Aqutsisoqarfik ukiumut tamarmiusumut akileraarutinit isertitaqarnerusutissat naatsorsuutigineqartunik eqqoriaasimavoq tamatumani paasinarsivoq missingersuutitut sanilliullugu 2013-imi tamarmiusumi 15,7 mio. kr.-it miss. akileraarutitigut isertitaqarnerunissaq naatsorsuutigineqarsinnaasoq. Missingiineq mianersuunneqassaaq akileraarutitigut isertitaqarnerunissap piviusunngornissaanut ukiumi aningaasanut inatsiseqarfiusumi qaammatit sisamat suli amigaataammata. Taamaattorli pingaarnertut nuna tamakkerlugu akileraarutinit raajanullu akitsuutinit akileraarutitigut isertitaqarnerunissaq pineqarpoq.

Ineqarnermut, Pinngortitamut Avatangiisinullu Naalakkersuisoqarfik

Attartortumit piginnittumut aaqqissuussineq aqputigalugu qinnuteqartukinnerunera pissutigalugu konto pingaarneq 72.06.51-imi, Inissianik tunisineq, ilanngaaseereerluni tunniussat, isertitat missingersuutinit ikinnerunissaat naatsorsuutigineqarpoq.

Konto pingaarneq 73.94.04-mi, Nukissiorfiit, erniat, kiisalu 73.94.05-imi, Nukissiorfiit, akilersuutit, ataatsimut isigalugu isertitat ilimagisatulli innissaat naatsorsuutigineqarpoq. Taamaattorli Nukissiorfiit 2013-imi sanaartornermut taarsigassarsianik tamarmiusunik atuinissamik naatsorsuuteqannginnerat pissutigalugu nikingasuulaarnissaq naatsorsuutigineqarpoq.

5. Aningaasaliissutit inatsisitigut pisussaaffigisat

Inatsisitigut pisussaaffigalugit aningaasartuutaasartut tassaapput, inatsisitigut immikkut aalajangersaaneq aqputigalugu tiguisussanut aalajangersimasunut tunniuttakkat, kiisalu tunniussassat qanoq annertutiginissaat imaluunniit naatsorsuinermi tunngaviusussaq immikkut inatsisiliorneq aqputigalugu aalajangersarneqartartut. Inatsisitigut pisussaaffeqarluni aningaasaliissutit aningaasanut inatsimmiittut tassaapput, ukiumi aningaasaliiffiusumi aningaasartuutigissamaakkatut missiliukkat.

Aningaasaliissutit inatsisitigut pisussaaffigisat 2013-imi 1.009,4 mio. kr.-iupput. Piffissami pineqartumi 673,2 mio. kr.-it atorneqarsimapput taakkulu aningaasaliissutit inatsisitigut pisussaaffigisat 66,7 %-iinut naapertuupput.

Aningaasaqarnermut Nunamullu namminermut Naalakkersuisoqarfik

Konto pingaarneq 20 30 04-mi, Sulitilluni ajoqusersinnaanermut sillimmasersimasussat, kiisalu angalanermut ajutoorsinnaanermullu sillimmasiussat, 2,0 mio. kr.-inik atuinikinnerunissaq naatsorsuutigineqarpoq.

Ilaqutariinnermut Inatsisinillu Atuutsitsinermut Naalakkersuisoqarfik

Sullississutini inatsisitigut pituttorsimaffiusuni maanna atuinikinnerussuteqarnissaq naatsorsuutigineqarpoq. Taamaattorli konto pingaarnerni ataasiakkaani atuinerup annersaa aningaasaliissutissatut immikkoortitanit allaanerujussuunngilaq.

Ataatsimut isigalugu sullississutini inatsisitigut pituttorsimaffiusuni atuneq eqqoriaruminaappoq, taakku sullinneqartut isertitaat inuillu sullinneqarsinnaatitaasut amerlassusaat apeqquaatillugit nikerartarmata. Taamatuttaaq kommunini naatsorsuutini nalunaarsuinikkut piffissamik nikittoornernik missingersuutitigut malitseqartitsiniarneq ajornakusoorsarneqartarpoq.

Sullinneqartut ikinnerunerat sullinneqartulluunniit isertitaqarnikkut allannguiffiunerat pissutigalugu maanna konto pingaarneq 30.10.32-mi, Meeqqanut tapiissutit, 30.10.34-mi, Meeqqanut akilersuutit meeravissartaarnerlu, kiisalu illersuisoqarneq, 30.10.36-mi, Erninermi ullormusiat, 30.11.10-mi, Ineqarnermut tapiissutit, 30.12.08-mi, Utoqqalinermi pensionisiat, 30.12.09-mi, Siusinaartumik pensionisiat, kiisalu 30.12.11-mi, Danmarkimi siusinaartumik pensionisiallit, atuinikinnerusoqalaarnissaa naatsorsuutigineqarpoq.

Konto pingaarneq 30.12.12-imi, Sullississutit, Nordisk Konvention, maanna atuinerussuteqarnissaq naatsorsuutigineqarpoq. Pisartagallit amerlisimanerat sulianillu suliarinninnerup sivitsorsimanera, kiisalu agguaqatigiissillugu ilaannakortumik pensionisiat qaffariarsimanerat atuinerussuteqarnermut pissutaapput. Aningaasaliissutit AIS 2014-imi iluarsineqarput atuinerup aningaasaliissutillu akornanni naapertuunnerusoqalernissaa naatsorsuutigineqarluni.

6. Sanaartornermut aningaasaliissutit.

Sanaartugassanut tamanut tunngatillugu, sanaartorniakkamut tamakkiisumik aningaasaliissutissat aamma ukiumi aningaasaliiffiusumi aningaasartuutissatut naatsorsuutigineqartut aningaasanut inatsimmi allassimasarput. Ukiup aningaasaliiffiusup aallartinnerani sanaartugassanut aningaasaliissutit ukiumi aningaasaliiffiusumi nunap karsianut aningaasartuutissanngortinneqassapput, taakkulu sanaartugassanut iluarsaassassanullu aningaasaateqarfimmut isertitassanngortinneqassallutik.

Ilanngussat:

A. Missingersuutininik malitseqartitsineq – 2013-mi apriliimi aningaasaliissutit assigiinngitsut agguataarnerisa takussutissartaat.

Ilanngussaq A, missingersuutiniq malitseqartitsineq qaammat august 2013 aningaasaleeriaatsinut agguarlugit (t.kr.)

		ANINGAASALIISUITIT				ATUINEQ			ATUINEQ 2012	
Aningaasaleeriaaseq	Naalakkersuisoqarfiit	Aningaasaliisutit AI 2013	Illass. aningaasaliiss.	Katillugit AI+IA 2013	Atuineq aug 2013	Atuinerup procentia	Atuineq aug 2012	Atuineq 2012 tamaat		
Ingerlatsinermut aningaasaliisutit	Inatsisartut Siulittaasoqarfiat	71.740	2.400	74.140	42.435	57,2%	39.454	67.202		
	Naalakkersuisut Siulittaasuata Naalakkersuisoqarfia	60.235	0	60.235	39.956	66,3%	37.736	64.986		
	Aningaasagaqarnermut Nunamullu Namminerimut	274.386	8.128	282.514	155.661	55,1%	208.404	246.730		
	Ilaqutariinnermut Inatsisinillu Atuutsitsinerimut	304.628	-92.299	212.329	131.595	62,0%	138.215	274.006		
	Peqqissutsimut Attaveqarnermullu	1.269.597	43.305	1.312.902	866.879	66,0%	791.634	1.246.910		
	Ilinniartitaanermut, ilageeqarnermut, Kultureqarnermut, Naligiis	466.959	89.659	556.618	321.797	57,8%	337.628	541.783		
	Aalisarnermut, Piniarnermut Nunalerinermullu	45.588	1.950	47.538	30.150	63,4%	30.379	51.980		
	Inuusuttisarsiornermut, Aatsitassaqaqarnermut Suliffeqaqarnermu	81.172	-5.657	75.515	35.868	47,5%	29.290	76.663		
	Ineqarnermut, Pinggorfitamut Avatangisinullu	170.111	-44.256	125.855	82.979	65,9%	118.815	164.235		
Ingerlatsinermut aningaasaliisutit katillugit		2.744.416	3.230	2.747.646	1.707.321	62,1%	1.731.554	2.734.495		
Iserfitassatut aningaasaliisutit	Naalakkersuisut Siulittaasuata Naalakkersuisoqarfia	-231.000	0	-231.000	-47.816	20,7%	-131.150	-209.262		
	Aningaasagaqarnermut Nunamullu Namminerimut	-5.735.054	0	-5.735.054	-3.876.516	67,6%	-3.797.956	-5.855.969		
	Ilaqutariinnermut Inatsisinillu Atuutsitsinerimut	-14.200	14.200	0				-14.200		
	Ilinniartitaanermut, ilageeqarnermut, Kultureqarnermut, Naligiis	-8.284	-14.200	-22.484	-3.653	16,2%	-3.967	-5.427		
	Aalisarnermut, Piniarnermut Nunalerinermullu	-139.374	0	-139.374	-14.903	10,7%	-117.953	-129.645		
	Ineqarnermut, Pinggorfitamut Avatangisinullu	-322.560	0	-322.560	-168.747	52,3%	-150.830	-311.870		
Iseritassatut aningaasaliisutit katillugit		-6.450.472	0	-6.450.472	-4.111.636	63,7%	-4.201.855	-6.526.373		
Aningaasaliisutit inatsisitigut pisussaaffigisat	Aningaasagaqarnermut Nunamullu Namminerimut	11.200	0	11.200	6.298	56,2%	4.925	8.153		
	Ilaqutariinnermut Inatsisinillu Atuutsitsinerimut	664.930	0	664.930	436.425	65,6%	424.159	625.725		
	Ilinniartitaanermut, ilageeqarnermut, Kultureqarnermut, Naligiis	315.112	4.320	319.432	227.178	71,1%	143.897	233.248		
	Inuusuttisarsiornermut, Aatsitassaqaqarnermut Suliffeqaqarnermu	13.800	0	13.800	3.286	23,8%	5.419	11.372		
Aningaasaliisutit inatsisitigut pisussaaffigisat katillugit		1.005.042	4.320	1.009.362	673.187	66,7%	578.400	878.498		
Tapissutit aningaasaliisutit	Inatsisartut Siulittaasoqarfiat	10.130	803	10.933	10.880	99,5%	10.068	10.027		
	Naalakkersuisut Siulittaasuata Naalakkersuisoqarfia	15.113	0	15.113	21.424	141,8%	15.687	16.198		
	Aningaasagaqarnermut Nunamullu Namminerimut	1.195.999	-34.725	1.161.274	795.603	68,5%	752.423	1.134.783		
	Ilaqutariinnermut Inatsisinillu Atuutsitsinerimut	132.346	-114.688	17.658	10.931	61,9%	72.201	129.265		
	Peqqissutsimut Attaveqarnermullu	0	236.975	236.975	174.941	73,8%	0	0		
	Ilinniartitaanermut, ilageeqarnermut, Kultureqarnermut, Naligiis	152.369	125.338	277.707	154.521	55,6%	96.505	153.535		
	Aalisarnermut, Piniarnermut Nunalerinermullu	100.969	-1.950	99.019	64.317	65,0%	83.446	105.678		
	Inuusuttisarsiornermut, Aatsitassaqaqarnermut Suliffeqaqarnermu	102.404	26.350	128.754	-4.434	-3,4%	788	124.965		
	Ineqarnermut, Pinggorfitamut Avatangisinullu	325.891	-242.450	83.441	48.476	58,1%	236.662	334.970		
Tapissutit aningaasaliisutit katillugit		2.035.221	-4.348	2.030.874	1.276.660	62,9%	1.267.780	2.009.422		
Sanaartornermut aningaasaliisutit	Ineqarnermut, Pinggorfitamut Avatangisinullu	779.394	-25.000	754.394	694.437	92,1%	917.467	968.629		
Sanaartukkat, sanaartugassanut iluarsagassanullu aningaasaateqarfimmu nuunneqarnikut		779.394	-25.000	754.394	694.437	92,1%	917.467	968.629		
DAU - inernera		113.601	-21.798	91.804	239.969	261,4%	293.345	64.671		